



Christopherus ex illustri comitum Oldenbur
gicorum familia natus fuit. Is à pueritia opti
mè educatus, & in armorū exercitio institutus fuit.
Itaq; cum adoleuisset, regū & principum castra se
cutus, magnum sibi nomen comparauit. Cum au
tem ipse Protestantium religionis esset atq; Anno
1546 bellum Germanicum esset exortum, ipse sese
Protestantibus coniunxit, atq; suæ uirtutis multa
passim indicia exhibuit. Erat autē huic Rheni cura
demandata, ut Burensem comitem transitu prohi
beret. Verūm is episcopi Moguntinensis opera in
longe alio loco, quam primò putabatur, Rhenum
superauit. Itaq; Christopherus cum sua legione in

Suevia Donauerdæ ad maiorem exercitum redijt. Cum autem principū Ger
maniæ discordia Cæsar uictor esset, Christopherus domum redijt & se intra
suos fines continuit. Postea uerò anno 1552 sese Alberto Brandenburgico iun
xit, & multa præclara facinora hinc inde edidit. Itaq; belli Germanici gloria,
in quo Euangelij doctrina ciuitatibus Imperij restituta, etiam ad hunc Chri
stopherum redundare constat. Inde etiam apud maritimas ciuitates in ma
gna existimatione fuit, atq; laudem comparatam retinuit & auxit. Iohan.
Sleidanus.